

→ AGLAIT ←

ILLUNAINORTUT.

Nr. 28

Nain, April 1906.

Nr. 28

O m i g i j i s e n a g l i g i s i g i k .

Jime kippalokul'ôlaukpok perorsêvilerijomut Afrikamê-
tomut; Braunemik attelingmut. Sivornane kippalônane
kuviasuklunelo Jime angajokângne illagivlugik nunaka-
laukpok kernertat iglugasangita illangine. Sunaubvâ,
unuat illanganne iglugasangmiut taipkoa tikkiakijauvut
kippaluksarsiortunut. Angutillo arnallo sorutsillo aular-
utijauvut. Kugvingit keaningillo erkagijautinagit omajuti-
tut âtauvut pissiniarvingmut. Tagvunga iglugasangnit
sunatuinarnit perorsêvilerijut tikkilaukput anerosuklutig-
lo nukkekartunik inôsuktuniglo. Illapsugijaunatik anga-
jokât avitauvut kitorngamingnit aularutijauvullo nunanut
adsigêngitunut. Jime sangêngmat, inutokaujut illangit
illagivlugit, kingorlermik pissarijauvok Braunemut kê-
naujanut ikitunut. Mâna siorniornartomik inôsekalerpok.
Kautualermat kippalokatine illagivlugit tupaktitauvok
sulliaksakartitauvlunelo perorsêvingme kâfetalingme sup-
pûtiksatalingmelo, sekkineradlartillugo. Jime pisukârlune
akkunertomik merngortudlâlaukpok ittigangillo amêdlar-
simavlutik nangerlune sapperkasakpok. Nukkiminut ta-
mainut sulliarpok unungmut, sullele kamajib anajaginago

ipperartorkattarpá, omarinersaulerkovlugo.

Jime tikkituame iglomot, nerrilugane inangalerpok, sauneridlramele sinnigungnangilak. Unuak návlugo álavlune innekarungnangilak, kapiásuklunelo kautsévak. Kautualermalle perorsévilerijok okausekarlune sôngoju-nik kippalut sinnigvingannut itterpok makkerkovlugillo. Jimetauk ánertaujomanane makkisârasuarpok, sapperpor-le nukkekangimut. Braunib takotuaramiuk, ningarlune aivigivâ tukkerlugolo okautivâ: „Erkeasuktotit, aisâlerit sullijaksarnut; pissiarijaumanasugivét kênaujanut unuk-tunut kikkartuinarkovlutit? Annilerit erkeasugungna rti-niarpagillônêt ipperautamut.” Jime sajuklune kappiasuk-lunelo makkinasuarpok, sukkaitomigle kissiane pivalli-angmat, angajokângata annaupâ aunartillugo issumanger-tillugolo tukkerpâ kemaklâlo.

Annikammertillugo niviarsiak kernertak itterpok. Inuk-singiname, aivok Jimemut. Sêrkortorlune imermik ser-parsarpâ imertilâllo. Tupalêrpok tagva uitavlunelo liviarsiak takovâ sâmine. Tâpsomale, aggangminut kanga-sinângne aktorlugik, nippangerkovâ álâllo inangavianut. Kingornganê ikkingit ubvarlugit mangipsertorpait. Jimib agvialungilâ apperivâle: „Illitarivingá? Sôg taimailiorkêt?” Kungavlune kiovâ: „Ikpeksak takolaukpagit taimiliorvi-givlutillo Jêsusib perkovânga.” Jimib apperivâ: „Jêsusê nanêká? Iglomiokatigiviúk?” Illekettamârlunele tikoarpok kilangmut. Jimele tukisinago árlorpok takpaunga. Nivi-arsiab sulle tunnitsivigivâ niakôjamik anivlunelo.

Jime nerrikârlune sinnisilerpok ketterarninganut, nekok-sisimavlune ániakanginersauvlunelo sivornganenit tupak-

pok. Inuksinginame tussaranelo sunamik, makkilerpok senniminelo takovok illulerkutemik raiselingmik niakô-jamiglo imermiglo. Tamakkoninga tattaminiarlune kem-mergongmat sulle, niviarsiak itterivok. Kungavlune tigu-lertorpâ kilangmullo tikoarlune annigivok. Jime okause-karomadlaralloarame tâpsomunga, kiksarpok, anningmat. Manigorsârporle, nerringmivlune imerlunelo unuksévok. Tagva amma kippalukatine innilangavok sinniklunelo unuak nâvlugo.

Kaungmalle sivorliovlune makkipok. Anniniarmat, angajokânga itterpok okautivâlo: „Inosuktokotse, makkiner-saujungnarkêt uvlome? Kait, sullijaksakarpok illingnut.” Nergjutit iglungannut aikatigivâ, horsit annunginik keblariksairkovlugo pairkserkovlugolo horsinik tuktuvang-niglo. Jime errinesuklune pigiarpok sullijaksaminik. Angajokângata takunarpâ sulle annikitomik aularlunelo, kingornganelo kamagijungnaikasakpâ. Mânnale Jimib niviarsiak takokattarpâ, tâpsomale unipkârvigivâ tussalauktaminik ajokertuijomit Jêsuse pivlugo. Jime illitar-sivalliavok tâpsomunga ungavalliavlunelo.

(Pigannertokalârpok.)

S û t j a b t u k s i a r n i n g a .

Unatadlartokalaungmat Afrikame sekkinerdlernerme, sûtjak Englise (unipkautiginiartavut) unatakataurkojaugivok Burinut. Kristusemiôvok kallinetuinakkuungitok, nellâ-gulle. Achagolune iksivagame anâname iglungaue, tâpsoma aggangit tiguvaît okautivlugolo: „Anânak, kaupat aularniarpunga. Sorusiolaurama, sêrkortosôngolaukpunga

sângne aggakka illivlugit sângnut tuksiarlungalo. Tuksi-
aromadlarivunga taimak attausiarlunga sulle, aulariakar-
kârnanga unatarvingmut." Taimailiorporlo. Sûtjak
angijok, sangijok sêkortulerpok anâname sângane nippe-
rkortovlunelo tuksialerpok, sôrlo sorusionermine pisôngo-
laurame.

Uttilungilak unatarvingmit. Niakumigut kukkertaavlune
tokolerpok. Anânangatale ernime piuserilauktanga
kingorlerpâk aularkârane manigorutigidlarpâ.

Kittorngakartose, illipsetauk kitorngapsingnik illiniar-
titsivisé attortillugillo tuksiarnermik anânatut ipsotunak?
Taimailioritsetôk, kitorngase ajungitullivigidlarniarapsi-
gik taimak.

A. M.

K i g u t s i t . (Nr. 27.)

4. Mosese, Abraha, Davide.

5. Mat. 16, 2. 3.

6. Mat. 8, 26. Mat. 14, 31. Mat. 26, 50.

I s s u m a n a r t u t .

7. Angutik magguk idluartuk unipkârpuk, tuksiarlutik
tussartaulaunginamik. Kikkôvâk?8. Kina issumajârnermut niplialaukâ Nâlekamut unnuak
nâvlugo?9. Nellautaijut illangata attinga illakartitaukpat aglâr-
sungmik attausênarmik, tagva attanerit illangata arna-
ngata attinga sakkerpok. Kikkôvâk?10. Kenneritse Jêsusib okausingita illanginik, sôrlune
apperingmat Gûdemik?

A. M.